

PRADET

Psychosocial Recovery and Development in East Timor

Telp. +670 332 1562 Fax, e-mail; pradet_timorlorosae@yahoo.com

Website: www.pradet.org

Rua Natar lolon sia, aldeia Efaca, Suku Manleuana, Dili Timor Leste



Press Release

SERIMONIA ENTREGA UMA BA INAN FETON KBI'IT LAEK

PRADET liu husi Programa Asistencia Moras Mental (PAMM) no Progrma Fatin Hakmatek (FHB) identifika feto maluk ida ne'eb'e mak enfrenta kondisaun moris ne'ebé difisil atu bele rekupera nia saude psikolojiku ho sustentavel. Kestaun ekonomia no fasilidade mós sai hanesan fatór determinante ba kliente nia saude fiziku no mental ne'ebé saudavel ho sustentavel. Nune'e, PRADET Fatin Hakmatek Baucau liu husi Social Economic Empowerment Project (SEEP), PHD no GIZ nia fundus ki'ik ekipa jere atu bele halo intervensaun ba maluk feto kbi'it laek ne'ebé iha experiensia problema psikosocial ne'e.

Relasiona ho ne'e, Programa Asistencia Moras Mental no Programa Fatin Hakmatek Baucau liu husi Social economic Empowerment Project, identifika kliente kbi'it laek ne'ebé nia uma ahi han iha Mnunisipiu Baucau, Postu Administrativu Baguia-Suku Uacala atu bele halo intervensaun.

Ho ida ne'e, Fatin Hakmatek Baucau hamutuk ho Progrma Asistencia Moras Mental halo koordensaun ho Atouridade nivel Munisipal Presidente Autoridade Municipiu Baucau, Administrador Postu Administrativu Baguia hodi suporta planu atu halo intervensaun ba kondisaun kbi'it laek ne'ebé hetan dezastre ne'e. Ekipa mós koordena ho Autoridade lokal hanesan Xefe Suku no Xefe Aldeia sira hodi kolabora ho PRADET no familia atu bele halo uma simples ida ba kliente kbi'it laek ne'e. PRADET mós hasoru malu ho familia no comunidade hodi koalia kona-ba kontribuisaun sira atu bele relaiza konstrusaun uma simples ida ba kliente. Tuir mai konkorda katak PRADET kontribui material hanesan kalen, besi, semente, pregu no sasan hanesan toba fatin, sasan dapur inklui meza, kadeira no familia ho comunidade kontribui material lokal hanesan fatuk, ai rai no trabalador sira. PRADET nia apoiu ne'e mai husi kontribuisaun fundus ki'ik husi doador DIMES, PHD no GIZ hamtuk \$1772.00.

Prosesu konstrusaun ne'e hetan kolaborasaun diak husi parte hotu-hotu liu-liu familia hodi finaliza obra simples ne'e hodi entrega ba inan feton kbi'it laek ne'e iha lora 16 Outubro 2020. Iha serimonia entrega uma ne'e marka prezensau husi Presidente Autoridade Munisipiu Baucau, Administrador Postu Administrativu Baguia, Komandante PNTL Munisipiu Baucau, Padre Paroco Postu Administrativu Baucau no Xefe suku ho Xefe Aldeia Uacala, comunidade no familia sira. Iha Serimonia entrega uma ne'e tesi fita husi Presidente Autoridade ho nia estrutura, PRADET no Komandante PNTL Baucau no bensa husi Padre no ikus mai konvida hodi vizita umalangan husi partisipante hotu-hotu. Iha Presidente Autoridade nia intervensaun husu ba apresia ho PRADET nia apoiu sira no nia husu atu comunidade kontinua fasilita informasaun ba PRADET bainhira prezisa. Husu mós atu aturidade sira kria nafatin kolaborasaun diak ho PRADET hodi bele asegura liutan apoiu ruma mai comunidade Baucau iha futuro. Nune'e mós iha Komandante PNTL nia intervensaun hatete katak PRADET servisu hamutuk ona ho PNTL iha tempo naruk no sira nia parte pronto atu apoiu programa PRADET nian iha comunidade hodi tulun maluk kbi'it laek sira. Iha parte seluk Xefe

Suku Baguia mós husu nafatin PRADET nia prezensa hodi bele tulun kbi'it laek sira iha Suku Uacala. Iku liu, repreznetante familia apresia ho apoiu husi aturidade sira no liu-liu husi PRADET nbe'ebé mak ajuda ona familia ho materiais konstrusaun, korjen no koordensaun ativu hodi parte rua bele finaliza obra simples ne'e ba sira nia membru familia. Ida ne'e hakman tebes familia nia todan no liu-liu bele iha mahan ida ba kliente ho dignu dignu atu bele suporta rekupera nia saude mental di'ak liutan.

Kondisaun antes no depois Konstrusaun



Kondisaun Anterior



Kondisaun Depois Konstrusaun

Informasaun detalhu:

www.pradet.online

www.pradet.org

Fanpage: <https://web.facebook.com/pradet.timorleste.37>